

ॐ मणिपद्मेहुं
षडक्षरि लोकेश्वर करुणामयं उद्धार यागु
पूजित प्रतिष्ठा

देव देवी देवतापिगु स्त्रोत्र स्तुति प्रमुख धारणी सहितः
(प्रातः स्मरणीय षडक्षरि लोकेश्वर करुणामययागु गुण अनुशंसा प्रकरण)



लोकेश्वर अवदान

अनुवादक :

स्व. पं. आशाकाजी बज्राचार्य

प्रकाशक :

सद्धर्मराज बज्राचार्य

नकबहिल, यल ।

14

ॐ मणिपद्मेहं

षडक्षरि लोकेश्वर करुणामयं उद्धारयागु पूजित प्रतिष्ठा

(प्राचीन षडक्षरि लोकेश्वर करुणामययागु अवदान)
बुद्धोपदेश बौद्ध ग्रन्थ आधारितः ।

लोकेश्वर अवदान अनुवादक :
स्व. पं. आशाकाजी वज्राचार्य

प्रकाशक :
सद्धर्म राज वज्राचार्य
ललितपुर, नकवहिल ।

नेमु बौद्ध ग्रन्थ रत्नमालायागु अनुदित सफु प्रकाशयाये लागी थ्व सफूया
मू :

बुद्ध सम्बत् : २५३७

नेपाल सम्बत् : १११३

(थ्व सफू प्रकाशकाधीने सुरक्षितः)

प्रथम संस्करण १००० दोलछि

थाकू : सुभाष प्रिन्टिङ्ग प्रेस
नकबहिल, ललितपुर
फोन नं. ५-२११९१

शीर्षक सूची

संख्या	शीर्षक	पौल्या
१.	षडक्षरिलोकेश्वर	१
२.	षडक्षरि लोकेश्वर करुणामय यागु खुगः आःखया अथ	१३
३.	बुद्धगुण यागु अनुशंसा	१५
४.	महायान शिक्षा विनय बुद्धोपदेश	२२

श्रद्धाञ्जलि समर्पण
ॐ मणिपद्मेहुँ



पूज्यपिता स्व. पं. आशाकाजी वज्राचार्य

उमेर ८५ स्वर्गारोहण दिन २०४९।१।१ गते पौष कृष्ण सप्तमी

पूज्यमाता चन्द्र देवी वज्राचार्य उमेर ३६ स्वर्गारोहण दिन
२००५ साल माघ शुक्ल दशमी गुम्हसिनं जित जन्म विया शिक्षा दिक्षा
दिया ब्वलंका विज्यात । वसपोलपिं मुखावती वास लायेमा घैगु
श्रद्धाञ्जलि सहित श्व सफु उम्हसित समर्पण याना च्वना ।

जिगु छत्वाचा खँ

थ्व सफुति पडक्षरि लोकेश्वर करुणामयं कुण्ठ रोगी द्रुदा च्वेन्द्र
राज कुमारी सुचित्रा देवीयात उद्धार याना विज्यागु खँ लोकेश्वरगवदाने
च्वंगु छगू अंश वाखें स्वर्गीय पं. आशा काजी वज्राचार्य अनुवाद याना
विज्यागु लेख व स्तोत्र स्तुति व अनं वदय् च्वंगु लेख वसपोलया पुत्र
सद्धर्मराज वज्राचार्य अनुवाद यागु लेख समेत संलग्न याना गवन्वया
उपयोगी ज्वीक प्रकाश याना विया ।

थ्व सफुति च्वंगु ज्ञान फुक्क भगवान बुद्ध उपदेश विया विज्यागु
वीद्ध ग्रन्थे च्वंगु आधार कया सकल यात न्यंकयया लागी प्रकाश याना
वियागु खः । थ्व बुद्धोपदेश सकल महानुभाव दाजु किजा केहें तता ईष्ट
वन्धु वर्गपिन्त न्यने कनेया लागी अतिनं उपयोगी ज्वी ।

थ्व सफुति च्वंगु ज्ञानगुण स्वया व्वनेवं मन पवित्र जुया क्लेश
दक्को फुना पुण्य संचय ज्वीगु खः । थ्व सफुति च्वंगु ज्ञान बुद्धयागु गुण
गनं वना कावनेगु थाय् दै मखु ।

जि वसपोल स्व. पं. आशाकाजी वज्राचार्यया पुत्र जुया जन्म
कया थजागु षडक्षरि लोकेश्वर करुणामय यागु गुण न्यना भगवान बुद्धयागु
उपदेश समेत बोधिज्ञान यागु छगू अंश जूसानं न्यना व्वना च्वया प्रकाश
याना वंयने फुगु छगू अहो भाग्य सम्भे याना ।

परन्तु संसार अनित्य खः । सफुनयात थःगु छेंया छ्वाखेरं
ग्यानापुगु भयं चाहिला च्वंगु दु । आपत विपत प्रिय वियोग असह्य शोक
दुःख उत्पन्न ज्वीबले सकसिया सहयाये थाकु । उकें भगवान बुद्धयागु
बुद्धगुण उपदेश न्यना व्वना घैर्य याना भिगु सत्य प्रतिष्ठा यायेगु छगू प्रज्ञा
ज्वना थ्व छत्वाचा खँ प्वंका प्रचार याना च्वना । गनं द्वांगु दःसा
क्षमा फोने ।

प्रकाशक :

मंगलाचरण महायान सूत्र प्रकरण अमिताभ तथागताय नमः ।

(अमिताभ तथागतयात नमस्कार)

धर्म संगीत्यावदानं सर्वसत्त्वान तेऽन्तिके ।
परिशुद्धेन ज्ञानेन यथावद्धर्म देशकः ।
लोक धातूनतिक्रम्य सगच्छति सुखावतीम् ।
गत श्र तत्र संबुद्धं अमिताभं सपश्यति ॥

इति महायान सूत्रम् ।

अर्थः— सकल प्राणी परिषदया अग्रे च्वना धर्म संगीति धंगु महायान यागु तीर्थव्रत महात्म्य स्वयम्भू पुराण अवदान बुद्ध वचन परिशुद्ध रूपं बुद्धयागु ज्ञान यथावत् जुया च्वंगु बोधिसत्त्वावदान आदि धर्म देशना याना च्वंम्ह धर्मभाणक विद्वान अन्तिम काले थःगु पार्थिव शरीर तोता लोक धातु संसारया पिने अतिक्रमण याना सुखावती वास यावनी । गतश्च तत्र = अन सुखावती थ्यनीबले । अमिताभं सपश्यति = अमिताभ तथागत बुद्ध दर्शन लाभ ज्वी । तत्पश्चात धीमान विधिज्ञ बोधिसत्त्व सम जनयिष्यति = अनं लिपा बुद्धिमान सम्पूर्ण विधि विधान स्यूम्ह बोधिसत्त्व समानम्ह जुया जन्म जूवनी ।

थुलि यात महायान सूत्रयागु प्रकरण धाई ।

ॐ मणिपद्मेहुँ

षडक्षरि लोकेश्वर करुणामयं उद्धारयागु महिमा

ल्हापा धर्म कल्प देशे धर्म कल्प राजा धम्म दु । श्वया स्त्री
धर्मरती । श्वया काय् धातुतेज राजकुमार सजीवं यमलोक बना यमराज,
षडक्षरी लोकेश्वरया रूप दर्शन याना छें लिहाँ वया थम्हं स्वया वयागु
यम चरीत्र खँ सकसितं कना धर्म याकल । श्व राजकुमारं दर्शन याना
बोम्ह धर्मराज तुयुगु वर्ण जटाधारी लोकेश्वर खः । श्व राजकुमारया केहें
सुचित्रा छम्ह दु कुष्ठ रोग जुया उत्तर पाखे बने यंका आनन्दगु थासे
च्वनेत थाय् दयेका प्यहा चाकरि याइपि तया अन बने यंकल । बनया
फलाहार शीतल जलया सेवनयाना सुचित्रा देवी बने वास याना ह्लि ह्लि
श्वया च्वनीगु । “जि छन्ह सुन्दरी रूप जुया च्वनाह्य राजकुमारी खः ।
छुयाये जि ल्हापा छु पाप याना बल । जि पापी थों कुष्ठरोग पीडित
ज्वीका थुजोगु बने स्त्री जाती बास यायेमाल ।”

“श्व रोग मज्जुगु ज्सा छम्ह राजकुमार लिसे विवाह जुया लिपा
राजकुमार राजा जुईबले जि महारानी जुईदैगु खः । उगु बखते दरबारे
च्वना सकसिनं माने याका च्वने दइगु । थों थन बने बन जन्तुथें च्वं वये
मान । जिगु शरीर दुर्गन्ध जुल । वका बने तय हल । हा हा दैव जित
नुनां रक्षा याःवइगु ? थय्ये ह्लि ह्लि श्वया च्वनीगु ।”

छन्दु षडक्षरि लोकेश्वर करुणामय वने चाहू बिज्याबले वनदेवीयात नाप लात । "थ्व ख्वम्ह सु" धका लोकेश्वरं वनदेवीयाके न्यन । वनदेवीं कन । थ्व राजपुत्री कुष्ठ रोग जुया थन वने तये हगुलि व ख्वया च्वंगु खः ।

थ्व खँ न्यना षडक्षरि लोकेश्वरं करुणा तथा व कुष्ठ रोगी स्वयेत स्वयं छम्ह बैद्य राज जुया सो बिज्यात । अन च्वँपिके न्यन । "थन ख्वया च्वम्ह रोगी छक जिनं स्वये ज्यूला ? जि छम्ह उपकारी बैद्यराज खः ।" थथे धावले असल ज्यू, धया व राजपुत्री च्वना च्वंगु थासे यंकल । दुर्गन्ध सहित कुष्ठ रोगी खना बैद्यराजं धया बिज्यात - "राजपुत्री ! छंगु रोग भयंकरगु खः । तथापि जि वास याना लायेका वीफु । छं विश्वासयाना वासः नये खःला ?" ।

थथे धागु न्यना जय्ताया घाल - "थनिनिसें वासः नये हति" कुष्ठ रोगी थथे धास्येंलि व बैद्यराजं जडीबुटी नीहयागु वासः दयका निम्बादि घंगु वासः बिया हानं खं न्यंकल । थ्व द तः नयेत सुथन्हापां मोल्हुया करुणामय लुमंका षडक्षरि मंत्र व प्रतिसरा देवीयागु मंत्र व्वना थ्व वासः नयेगु । लच्छि तकसेवन यायेमा । न्हिनेनं वन्हिनं याना न्हिछिया स्वंगु प्रहरे नयेगु । षडक्षरि मंत्र नं कना विल । लच्छि तक थ्व मंत्र व्वना सेवन या । थ्व मंत्र यातनं सेवा वा । छंगु रोग शमन ज्वी । जि लच्छि दईबले हानं वये । धया लच्छि यात गावक वासले प्रतिसरा देवीयागु मंत्र शोधनयाना वासः बिया लिहाँ बिज्यात । थ्व रोगी तसकं विश्वासयाना गथ्ये बैद्यराजं घाल, अथ्ये हे ह्लिछिया स्वको वासः (स्वंगुप्रहरे) वासः नया मंत्रव्वना सेवा यावले कुष्ठ रोग फुक शान्त जुया न्हापाथ्ये निरोगी जुल । वं बैद्यराज लुमंका च्वन । नाँ मस्यू, छें नं गन धका न्यने मफुत । धाथ्ये देव समान हे खः । थ्व मनू मखु । बाँलाक न्यने माल । धिक्कार जि आ वंगु खला मखुला धका हाला च्वंवले व बैद्यराज अन थ्यंकः वल ।

खनेवं व राजपुत्रीं तुति भोपुया विन्ति यात - भो वैद्यराज !
जिगु रोग शमन जुल । ह्वापाथ्यें सुन्दरी रूप जुई वुंकल । छलपोलयागु
नाम कया च्वना । जिमित ह्ये का विज्यायमते, छलपोल सु ? नाम छु ?
छें गन ? प्रभु कना विज्याहुँ ।

थथ्ये विन्तियागु न्यना वैद्यराज मुसुं न्हिला आज्ञा जुल -
राजपुत्री ! छं रोगजा लाया वन खः । छ वाँलात । तर छंगु पाप मफूनी,
जित म्हसीकेत पलख मिखा तीसिना च्वें । जि मिखा कं घायेवले मिखा
कना सो । अले जित वाँलाक म्हसीके फई ।

थथ्ये घायेवं अन च्वंपि सकसिनं मिखा तीसिना च्वन । वैद्यराज
थःगु रूप षडक्षरि लोकेश्वर जुया रूप दर्शन विल । अले मिखा कं घया
विज्यात । सकसिनं मिखा कना सोवले वैद्यराजया रूप षडक्षरि लोकेश्वर
जुया च्वंगु खना सकसिनं तुति भोपुया श्रद्धातया पूजा याना विन्ति यात ।
छलपोल मु खः ? आज्ञा दयका विज्याहुँ ।

थथ्ये विन्ति यास्येलि जि षडक्षरि लोकेश्वर करुणामय खः ।
छ न्हापा ब्राम्हणी जुया जन्म कया च्वंबले गौ सायात सेवा याना च्वन ।
लिपा वहे साया मचां मांयागु दुरू त्वना च्वंगु खना दुरू न्ह्याः वंगु
अवस्थाय साया मचायात कथि दाय विल । साया मचायात मर्म थासे
लाना भुसुक्क हे सित । सा सेवायागु पुण्यं छ सुन्दरी राजपुत्री जुया जन्म
जुल । वया मचा सा स्यागु पापं छ थुगु जन्मस कुष्ठ रोग जुल । आ छ
थुगु जन्मे सद्धिम्ह सा दान याना षडक्षरी मंत्र भिगु लाख जप याना
त्रिरत्न भक्ति जुया करुणामय लुमंका व्रत या । छंगु पाप फुई । थ्व मंत्र
भक्ति यायेवले मद्यपान यायेमज्यू मांस आहार याये मज्यू । मखुगु खें
ल्हाये मज्यू । सुयातनं द्रोह याये मज्यू । शान्त जुया च्वनेमा ।

थुलि उपदेश बिया जि वने घया लिहाँ विज्याम्ह अनसं अन्तर
ध्यान जुया बिज्यात । थुगु समाचार न्यना धर्मकल्प राजा खुसि जुया
मंत्री सहित कन्है खुन्हु वया सोवल । पुत्री राजकुमारी सुन्दरी जुया च्वंगु
खना तसकंहै हर्ष जुया धन्य वैद्यराज षडक्षरि लोकेश्वर करुणामययात
सदानं जिगु नुगलं प्रणाम दु । घया ल्हानिपां विन्तियाना च्वन ।

थथे विन्तियाना घयालि पुत्री राजकुमारी यात वने मतसे छं
यंकल । राजपुत्री सुचित्रा देवीं गथ्ये लोकेश्वरं आज्ञा जुल, अथे हे नियमे
च्वना त्रिरत्न भक्ति जुया षडक्षरि मंत्र व्वना नित्य भवित याना च्वन ।

उगु जन्मे विवाह मयासे ब्रम्ह चर्ये च्वना छं अष्टमी व्रत पालन
याना जीवन हना च्वन । लिपा अन्तिम काले छन्हु देहान्त जुया स्वर्गलोके
किन्नरी कन्या जुया आनन्द वास याना च्वन ।

थ्व खँ लोकेश्वरावदाने च्वंगु स्व. पं. आशाकाजी वज्राचार्य
अनुवाद याना तःगु खः । वसपोल यागु अनुदित थथे उल्लेख याना तगु दु
कि सुं गुम्ह रोगीयात षडक्षरि मंत्र प्रयोग याना एवं प्रतिसरा देवीयागु
मंत्र प्रयोग याना वासः सेवन याकी व रोगीयात याकनं स्वस्थ जुया शरीर
बाँलाना वर्ई । अथे हे वासः याना जि रोगीपिन्त लायेका बिया ।

वसपोल स्व. पं. आशाकाजी वज्राचार्य वैद्यराज नं अथे हे रोगी-
पिन्त षडक्षरि मंत्र व प्रतिसरा देवीयागु मंत्रं शोधन याना भारे याना
आपालं बालक रोगी पिन्त व मेमेगु वात रोगी तथा अनेक रोगी पिन्त
वासः याना उपचार याना विज्यागु दु ।

वसपोल स्व. पं. आशाकाजी वज्राचार्य वैद्यराज थथे च्वया
बिज्यागु दु - अरि चापि बाल रोगीपिन्त षडक्षरि मंत्र व प्रतिसरा देवी
यागु मंत्रं भारे याना वासलेनं शोधन याना प्रयोग यात घासा याकनं हे

रोगीपि स्वस्थ जुया शरीर बाँलाना बई । लिपा कडागु रोग लगे ज्वीमखु
निरोगी ज्वी । जि आपालं रोगीपिन्त षडक्षरि लंकेस्वरयागु व प्रतिसरा
देवीयागु मंत्रं भारे याना एवं वासले शोधन याना चिकित्सा याना दिया
आपालं रोगीपि याकनं स्वस्थ जुया शरीर बाँलाना बई च्वन । बाँट
ग्रन्थयागु बुद्ध वचन थथे नं च्वया विज्यात ।

भगवान् बुद्ध यागु उपदेश बाँट ग्रन्थे थथे घयानगु दु कि गुम्हमे
गुम्ह वंछराजं षडक्षरि मन्त्र व महा प्रतिसरा देवी महा प्रत्यंगिरा देवीयागु
मन्त्रं रोगीयात भारे याना वा वासले संशोधन याना रोगीयात नका मेदन
याकी व रोगी याकनं हे स्वस्थ ज्वी । शरीर बाँलाना बई । लिपा तसक
रोगी ज्वी मखु । शरीर हृष्टगुष्ट जुया सदानं निरोगी जुया च्वनी ।

कलिजुगे थजागु विश्वास याईमखु । उखे थुखे यंका रोगीयात
सास्ति याये थें वासः याना मरणान्ते कष्टविया च्वनी । आयुर्वेद शास्त्र
घंगु षडक्षरि लोकेस्वर अर्थात् श्रुष्टि कर्ता लोकेस्वर करुणामययागु खवगु
बोहलं प्रकट जूगु आयुर्वेद शास्त्र खः । उकें आयुर्वेद शास्त्र घंगु नं
षडक्षरि लोकेस्वरयागु तःघंगु सुदृष्टि लगे जुया च्वंगु खः । थजागु यात
कलि जुगेया मनुष्यपिन्सं अपहास याना अन्वविश्वास याना च्वनी । थजागु
समये रोग बढे जुया आसुरि चिकित्सा प्रयोग याई । अनेक प्रकारयागु रोग
अनुमान याना क्यनी । अनुमानित रोगयात विविध आसुरी चिकित्सा
याना शरीरे च्वंगु नसा घ्यना ललना नाडी स्नायु उष्मना नाडीयागु
मूख्यगु नसा र्यंका शरीरयात ग्लानी याका तयि । मृत्यु अवस्था ज्वीबलेन
मुलुं सुया च्वनी । प्राण मतोदुतले मुलुं सुया शरीर यात कष्ट दिया
च्वनी । थजागु आरौ चिकित्सा खना मनयात भय उत्पन्न जुया च्वनी ।
त्यफुनिसें अवघूति नाडीं स्वास थाहाँ बइवले मृत्यु ज्वी ।

भगवान् बुद्धं सम्पूर्ण प्राणीपिन्त रोगं मुक्त याये लागी मृत्युञ्जय
पाठ यायेगु उपदेश वियातःगु दु । रोग व्याधि कष्ट जुया च्वंपिन्त उष्णीष

विजय धारणी मन्त्र प्रयोग याना तथा मृत्युञ्जय पाठ याना हानं षडक्षरि
मन्त्र प्रयोगयाना हानं अमितायु तथागत भगवान बुद्धयागु धारणी व्वना
वासः वा चिकित्सा यात धासा रोगीयात कण्ट ज्वी मखु । शरीरे आनन्द
यागु अनुभव जुया च्वनी । स्वस्थ जुया बल धासा याकनं रोग मुक्तज्वी ।
शरीर बांलाना हृष्टपुष्ट जुया वई । तर मृत्यु जुया वनिम्ह जुल धासा
षडक्षरी मन्त्र उष्णीष विजय धारणी मन्त्रं मृत्युञ्जय पाठ धारणीं तथा
अमितायु तथागतयागु मन्त्र स्पर्श जूगु प्रभाव मृत्यु ज्वीम्ह प्राणी सुखावती
वास लावती । कण्टनया मृत्यु ज्वीमखु । दुर्गति वनीमखु । रोगीया
प्राणयात शीतल स्वस्थ जूगुथें आनन्द ज्वीक शरीर तोता भिगु सुगति
लाभ ज्वी । थ्व ख निःसन्देह खः धका भगवान बुद्ध अनेक धारणी मन्त्र
द्विया कना विज्यागु च्वया तथागु दु; थजागु मन्त्र धारणी प्रयोग याना
चिकित्सा यायेगु यात कलियुगे अपहास याना तोता वीगुलि छुं मस्यूपि
न्यनेमनपि न्यने मखंपि पृथकजन प्राणीत कण्ट नया सिना वनी । गुम्हस्यां
धारणी मन्त्र च्वया थमनं व्वना कण्ट ज्वीक न्हिथं पाठ याना च्वनी ।
वा प्रयोग याना च्वनी धारणी संग्रह मन्त्र पुस्तक छें तथा स्मरण याना
भक्ति भाव दाना च्वनीम्ह कुलपुत्र वा कुलपुत्री नं मरणान्त काले प्राणयान
आनन्द जुया देहान्त समये सुखावती वास जुया देवलोके जन्म कावनी ।
मुवज्वीन् मु ति लाभ ज्वी । थुजागु खं ख. पं. आशाकाजी वज्राचार्य
वैद्य अनुभव याना याना अनेक धर्मशास्त्र यागु बुद्धवचन बौद्ध ग्रन्थ
च्वया तोता विज्यात ।

वसपोल पं. आशाकाजी वज्राचार्य वैद्य जीवित अवस्थाय् थय्
थजागु धारणी ह्निथं निरन्तर वाना विज्यायिगु खः । सर्वप्रथम सुये प्रातः
काले स्नान याये थुंका भद्रचरी बोना हानं आर्यतारा धारणी पंचबुद्ध
यागु धारणी व्वना विज्यागु खः । नित्य पूजा यायिवलेनं अपरिमितायु
धारणी अनेक स्तोत्र पाठ याना विज्याईगु खः । प्रज्ञापारमिता धारणी
स्तोत्र पाठ याना जिमितनं न्यका विज्याईगु खः उपरोक्त सम्पूर्ण ज्ञान

ज्या खं फुक्क स्यना कना ज्या याकानं अनुभव विया विज्यान ।

त्रिरत्न स्तुति पुस्तक स्तोत्र संग्रह पुस्तक च्वया । प्रचार याना विज्यात । श्वहे अनुसारं वसपोलं पाठयाईगु वारणी स्तुति स्तोत्र मुख्यगु श्व सफुतिनं च्वयागु दु ।

गुरु वन्दना

गुरु बुद्धं गुरु धर्मं गुरु संघं तथैवच ।
गुरु वज्र धरं चैव गुरु सर्वान् नमाम्यहम् ॥

दुर्गति परिशोधन तथागत धारणी

ॐ नमो भगवते सर्व दुर्गति परिशोधन राजाय तथाग-
तायार्हते सम्यक्सम्बुद्धाय । तद्यथा । ॐ शोधने २ विशोधने २
सर्वपापविशोधने शुद्धे विशुद्धे सर्वपाप विशुद्धे सर्व कर्मावरणानि
विशोधने स्वाहा ॥

स्तोत्र

दुर्गत्युत्तरणी सेतुं सर्वदुर्गति शोधनम् ।
तथागतं जगन्नाथं नमोऽहं त्रिजगत् गुरुम् ॥

स्वयम्भु स्तोत्र

नमस्ते बुद्धरूपाय धर्मरूपायते नमः ।
नमस्ते संघरूपाय पंचबुद्धायते नमः ॥

शाक्य मुनि बुद्ध स्तोत्र

सद्धर्म पुण्डरीकाक्षं सर्वज्ञं करुणात्मकम् ।
समन्तभद्रं शास्तारं शाक्यसिंहं नमाम्यहम् ॥

प्रज्ञापारमिता स्तुति

निर्विकल्पे नमस्तुभ्यं प्रज्ञापारमितेऽमिते ।
निरारम्ब निराकारं प्रज्ञादेवीं नमाम्यहम् ॥

आर्य तारा स्तुति

नमस्तारे तुरे वीरे तुत्तारे भयनाशिनीं ।
तुरे सर्वार्थदे तारे स्वाहाकारे नमोऽस्तुते ॥

करुणामय स्तोत्र

लोकेश्वरं शीलशान्तं अमोघगुण सागरम् ।
अमिताभकृतं मौलि नमाम्यमोघपाशनम् ॥

अष्टबोधिसत्त्व स्तोत्र

मैत्री गगन गंजाय समन्त भद्रायते नमः ।
वज्रपाणि मंजुघोषं सर्वणी क्षिति खगर्भकम् ॥

वसुन्धारा लक्ष्मी स्तुति

वसुन्धरा महादेवीं सर्व संपत्तिदायनीम् ।
सर्वकार्यं प्रदात्रींच लक्ष्मी देवीं नमाम्यहम् ॥

अहिंसक श्वेतगणेश स्तोत्र

विघ्नेश्वराय वीराय गजमुखायते नमः ।
सर्वविघ्नहरं देवं ऋद्धि सिद्धि प्रदायकम् ।

महांकाल स्तोत्र

कृष्ण वर्णं शिवारूढं बुद्धशासन रक्षकम् ।
कर्ति कपालधारीच महंकालं नमाम्यहम् ॥

सद्य कुमारी स्तुति

प्रभाते बाल कौमारीं मध्याह्ने तारुणीप्रभां ।
सन्ध्यायां वृद्धिरूपीच कौमारीं प्रणमाम्यहम् ॥

हारती देवी स्तुति

रत्न पीठेस्थितां देवीं गौरवर्णां समद्युतीम् ।
ईसद्वसित वदनां नमामि जगत्समोहिनीम् ॥
पंचानां शतपुत्रानां परिवारमहोत्सवाम् ।
बुद्ध शासनस्थां देवीं हारतीं प्रणमाम्यहम् ॥

मंजुवज्र मंजुश्री स्तोत्र

मंजुश्रियं महावीरं खड्ग पुस्तक धारणम् ।
सर्वविद्या गुणाधारं वागीश्वरं नमाम्यहम् ॥

भैरव स्तोत्र

नीलवर्णं महावीरं खड्गपाशाङ्गधारणं ।
सर्वदुष्टं निहन्तारं भैरवं प्रणमाम्यहम् ॥

भीमसेन स्तोत्र

रक्ताङ्गं भीम भैरवं त्रिनयनं हन्ता चतुःशासनम् ।
मत्ताङ्गं दशसहस्रगजवलं नमामि भीमं सदा ।

दक्षिणकाली स्तुति

काली काली महाकाली शुष्क मुखी कपालिनी ॥
श्मशानशक्ति चामुण्डां नमामि प्रेत वाहिनीम् ॥

मनकामना भगवती स्तुति

देवीसौन्दर्यं पीताभां मनोरथ प्रदायनीम् ।
दानवादि निहन्तारीं महालक्ष्मीं नमाम्यहम् ॥

नाम संगीति स्तोत्र

श्री आर्यं नाम संगीतिं महामंजुश्रियं वरम् ।
क्लेश दुःखापहं सर्वं सर्वदा प्रणमाम्यहम् ॥

यमराज स्तोत्र

श्री धर्मराजं करुणानिधानं श्री वज्रवेहं सततं भजामि ।
श्री लोकनाथं शरणं च नित्यं प्रज्ञाप्रदानं प्रतिदेशयामि ॥

उग्रचण्डी ँछास अजिमा स्तुति

उग्ररूपां महातेजां त्रिनेत्रां लेलिहाननां ।
वीर वीरेश्वरीदेवीं धूमांगारीं नमाम्यहम् ॥

वाराही स्तुति

श्मशान गहने मध्ये वासिनीं सिद्धि रूपिणीम् ।
कोल मुखींच वाराहीं नमामि महिषासिनीम् ॥

आर्यतारा धारणी

ॐ लोचने सुलोचने तारे तारोद्भवे सर्वसत्त्वानुकम्पिनी
सर्व सत्वोत्तारिणी सहस्रभुजे सहस्रनेत्रे ॐ नमो भगवते अव-
लोक्य २ मां सर्व सत्त्वानांच हुं फट् स्वाहा ।

दीपंकर धारणी

ॐ नमो भगवते दीपंकराय तथागतायार्हते सम्यक्
सम्बुद्धाय तद्यथा ॐ कर २ सुकर २ दीपंकर सर्वज्ञान प्रदर्शने
अकार सम्भवादि बुद्धं स्वाहा ।

प्रतिसरा धारणी

ॐ मणि धरि वज्रिणी महाप्रतिसरे शरीरे रक्ष २ मां
सर्व सत्त्वानांच हुंफट् स्वाहा ।

वसुन्धरा धारणी

ॐ नमो भगवत्यै आर्य वसुन्धरायै वरप्रदायै सर्वधान्य
सर्वरत्नवस्त्रालंकार सर्ववृह्यादिभिःसर्वोपकरण्यै संबृद्धि मे देहि २
शान्तिकुरु पुण्डिकुरु रक्षांकुरु वरसिद्धि ददापय स्वाहा ।

प्रज्ञापारमिता धारणी

ॐ नमो भगवत्यै आर्य प्रज्ञापारमितायै नमोरत्न त्रयाय
तद्यथा ॐ मुनिधर्म संग्रह अनुग्रह धर्म विमुक्त धर्म सदानुग्रह धर्म
वैश्ववर्णपरिवर्तित धर्म सर्व कार्यपरिप्रापण धर्म समतानुपरि-
वर्तित धर्म स्वाहा । ॐ प्रज्ञाधृति स्मृति स्वाहा । ॐ गते गते
पारं गते पारसंगते बोधि स्वाहा ।

युलिजिगु पूजित प्रतिष्ठा तुल । सकल प्राणी उद्धार
जुया सुखशान्ति मिले ज्वीमा ।

युलि खं ज्वया विज्याम्ह स्व. पं. आशाकाजी वज्राचार्य

षडक्षरि लोकेश्वर करुणामययागु खुग आखयाग्रथः

ॐ मणिपद्मेहुँ

ॐ कार बीजमंत्र तुयूगु इवेतरश्मि उत्पत्ति जुया च्वंह करुणामय
बीणा घारण याना ध्यान पारमितास मिले जुया तृष्णा दोषे भुले
जुया दिनवंगु मचापि स्वर्गवासयापि देवता पित्त रश्मि खः वनी ।
इमिगु क्लेश (पाप) शमन जुया अभिमान मदया वनी । थथे लुमंका
भक्तितया एकाग्र चित्तं ज्वना भाव भक्ति यायेगु सीके ।

म बीजमंत्र वांगु वर्णंगु रश्मि मंत्रा भाव काम राग व क्रोधेलापि
दैत्यपि वास याना च्वंगु अघो भुवन पाताल लोके दैत्यपित्त रश्मि
खया इमिगु क्लेश (पाप) फुका बीगु थ्व क्षान्तिपारमितास लाना
कृत्यानुस्थान प्राप्त जुल भालपेगु ।

णि मन्त्र बीजं पिण्ड पात्र ज्वना च्वंह करुणामय ह्यासुगु पीतवर्ण
निरारम्भ आकार सीके थाकुगु करुणा स्वभाव द्वेष-परया जय जूगु
खना सह याय मफुगु स्वेमफुगु स्वभावे लापि मनुष्यपि वासयाना
च्वंगु मर्त्य लोके स्वया इमिगु क्लेश (पाप) फुका बीगु शीलपार-
मिताया स्वभावं उद्धार ज्वीमा घका भालप्येगु ।

पद् मन्त्रबीजं नीलवर्ण (बचूगु) रश्मि उत्पत्ति जुया च्वंह करुणा-
मय प्रज्ञा पुस्तक ज्वना उपेक्षा स्वभाव शत्रुयातन उपकार यायेगु
ज्या पुनः स्वर्गमर्त्य पाताल क्वेलापि तीर्थकलोके (पशुपंछि) कीटाणु
पित्त रश्मि खया इमिगु क्लेश (पाप) फुना वना धुपि उद्धार
ज्वीमा घका भापा याना प्रज्ञापारमिता स्वरूप घर्म घातु ज्ञान प्राप्त
जुल घका चिन्तना यायेगु ।

मे- मे मन्त्र बीजं चिन्तामणिरत्न ज्वना च्वंह्य करुणामय रक्तवर्णं ह्यांगु रश्मि उत्पत्ति जुया लोभेलापि प्रेतलोके बास याना च्वंपि प्रेततेत रश्मि खः वना दान पारमिता स्वभावं थुमिगु क्लेश (पाप) दक्क फुना वना उद्धार जुयेमा धका भालपा याना प्रत्यवेक्षणा ज्ञान प्राप्त ज्वीमा धका भालपेगु ।

हुँ- हुँ बीज मन्त्रं धुम्रवर्णंगु अग्निज्वाला रश्मि उत्पत्ति जुया करुणा स्वरूपं उद्धार याये निमित्ते अमृत दुगुकलश ज्वना च्वंह्य करुणा मयं पापित वास याना च्वंगु नरके वना थुमिगु क्लेश (पाप) दक्क फुना वना थुपि पापित नरकं मुवत जुया तरे जुया वनेमा धका भालपेगु ।

थजागु थ्व ॐ मणि, पद्मे हुँ मंत्र १० भिगु करोड तकं वीने फुह्य वा व्वना व्ह्य मनुय सिना वनीबले थ्वंगु मृतक शरीर अग्नि-मंस्कार यायेगु कु आकाशे वींगुलि लापि भंग पछिपि समेत सिना वनीबले हानं भंग पछि जुया जन्म जन्म काये मालि मखु । स्वर्ग वास ज्वी । हानं वयागु शरीर भस्म जूगु नां वागमती लखे च्वीका वीगुलि लखे च्वंपि की इत्यादि पिनं स्वर्ग वास मिलेजुया तरे ज्वी । एवं प्रकारं मंत्र व्वना भाव यायेगु चर्य आदि महा यान क्रिया बृद्ध धर्मया व्रत उपोषध अष्टमी पतिकं छे जूसां व्रत दनेगु नेपाले अद्यापि प्रकाशमान जुया च्वंगु दु ।

गुलि विद्वान आचार्य पिमं ॐ मणि पद्मे हुं ःही थये न्हेग आग्र महित याना वीनिपिनं दु । थ्व आदर्श ज्ञान प्राप्त ज्वीगु खः । अक्षोभ्य बृद्ध यागु भुवन समान धका बैतल । करोड, लाख गुलि अपो मंत्र च्वया तंफु उलिया प्रमाणं मानि हीकेवले वीनागु तुल्य पुण्य दया लिपा सुखावती भुवने बास मिलेज्वी । थ्व बुद्धोपदेश च्वया विज्याह्य स्व. पं. आशा काजी बज्राचार्य ।

बुद्धोपदेश

बुद्ध गुण यागुअनु शंसा
आयु चिकं, शरीर त्वादिव

श्री शाक्य मुनि भगवान बुद्धं दक्खो प्राणीपिन्त हित सुख याये
निमित्ते सुगति मार्गं कयना अन्धकारं स्वरूप मिथ्या संवृत्ति कुमाणं यान
लिचिका ष्ठेगु ज्ञान रूपी मतजुया सकभनं अजान अहंकार यात निर्मल
यायेगु निमित्ते महायानं श्रावक प्रत्येक बुद्धयान यागु विभिन्न उपाय
कौशल्य मार्गं कयना धर्म प्रेम अहिंसा व शान्तियागु धर्म चक्र प्रवर्तन याना
विज्यात ।

भगवान बुद्धं शाक्य मुनि तथागतं यथे उपदेश विद्याविज्यात-हे
लोक गणापि ? थ्व संसारे मनुष्य जूया जन्म ज्वीगु दुर्लभ खः । थ्व-
यासिकं बुद्ध उत्पत्ति ज्वीगुनं दुर्लभ हे खः । वथ्ये नातुं सकल सत्त्व प्राणी
पिन्त करुणा तथा सकल प्राणी यागु दुःख शान्त यायेगु बोधिजाने क्वात्क
चित्तं तयेगुनं दुर्लभ हे खः ।

छुथ्ये घासा वर्षकाले स्वातुक सुपाचं तोपुया च्वंगु अन्धकार-
यागु राते क्षण मात्र पल्पसा विजुली प्रकाश ज्वी । अवले छुं वस्तु वालाक
छुं ज्वीक खनेदं । वथ्ये हे न्हापा जूया वं पि भगवान बुद्धयागु अनुभावं
छुं दिन गुगु काले लोक हित सुख ज्वीगु धर्म यायेगुलि धौ पलख जक मन
धनी । उकेया निमित्त रुदा काल हे धर्म रूपी चल मगागु क्षण मात्र
विजुली तोगुथ्ये पलख जक खने दै । पाप धंगु बल्लागु स्वातुगु सुपाचं तोपुगु
अन्धकार थ्ये ज्वी । हानं भयंकर जूया च्वंगु अनेक नरके तंगु तःमकं
जिते याये थाकुगु पाप मेमेगु धर्म जिते याये फंमखु ।

यदि सम्यक्सम्बुद्ध यागु बोधिज्ञान लायेगु चित्ततया सकल सत्त्व प्राणी पित्त उद्धार यायेगु चित्ते उत्साह मदुगु जुल घासा ममेगु धर्म पाप जिते याये थाकु । उके मने च्वंगु पाप जिते यायेत एवं मने च्वंगु हाकूगु क्लेश मदेकेत मुख्यगु बोधिज्ञान लाभ ज्वीगु उपाय कौशल्य चतुर्ब्रह्म विहार धंगु नित्य ग्रहण यायेमा ।

उपाय कौशल्य चतुर्ब्रह्म विहार धंगु ४ प्यंगु प्रकार दु । मंत्री, करुणा, मुदिता, उपेक्षा ।

मंत्री— थःगु दुःख व परयागु दुःख उथ्येखः घका वरावर मालपेगु ।

करुणा— न्हिथं परयात करुणा तथा उद्धार याना ज्वीगु ।

मुदिता—थःगु दुःख लोमंका परयागु दुःख लुमंका दुःख लिकायेगु जतने हर्ष याना ज्वीगु ।

उपेक्षा— थःगु दुःखनं परयागू दुःखनं लिकायेगु लिकया वीगु बोधिसत्त्व चर्य यागु प्रणिधान यायेगु इत्यादि खः ।

थजागू ४ प्यंगू प्रकार यागु चतुर्ब्रह्म विहार गुह्य ब्यक्ति ग्रहण यायि, आचरण यायि, एवं प्रकारं परिश्रम यायि अजाह्य ब्यक्ति यस्त अवश्यमेव सम्यक्सम्बुद्ध यागु बोधिज्ञान लाभ ज्वी ।

थजागु प्रकारं भगवान बुद्ध शाक्य मूनि तथागतं उपदेश विद्या विज्यागु समाधिराज सूत्र ९ अध्याये बुद्धोपदेश थथे धैतगु दु ।

मंत्री विहारी च भवन्ति कोविदाः ।

करुणा विहारी मुदिता विहारी ॥

उपेक्षाः सर्वं भवेषु नित्यम् ।

समाधि भावेत्त्व स्पृशन्ति बोधिम् ।

अर्थ:- गूँ विद्वान धर्म भाणक पिसं मैत्री विहार करुणा विहार मूदिताविहार उपेक्षा विहार थूलिप्यगूचतु ब्रह्मविहार निरन्तर पालन याना ज्वी । हानं समाधि चर्यं याना भविष्ये अग्रबोधि ज्वीत पंचाभिज्ञ पदे स्पर्श यायि । सकल प्राणो पिगू जन्मजराव्याधि मृत्यू थूनि प्यगू दुख पीडित जुया च्वंपिगू अनेक दुःख सीका करुणातया हीनाधि मूक्ति नीच वृत्ति हते याना उपाय कौशल्य प्रयोग याना परमार्थ यूक्त महायान (चर्यं) बोधिसत्त्व चर्यं उपदेश विद्या च्वनी अजापिसं याकनहे बोधिज्ञान प्राप्त यायि / जि निर्वाण वनेदं घका भिक्षू जक जुयानं निर्वाण वने दंगु मखू । बोधि सत्त्व चर्यं यायेत अवलोकितेश्वर बोधिसत्त्व महासत्त्वकरुणा-मय मेवा यायेमा । वसपोल करुणामय यागू अष्टमी व्रत च्वनेमा ।

थजागू प्रकारं भगवान् बूद्धं सकल यात पूर्वक संसार अनित्य घका हानं उपदेश विद्या विज्यात कि-हे लोक जनपि? थ्व संसारे सकल प्राणी पिन्त मोहं तोपुया अनित्य जक क्यना तल । नित्य घैगू सुनानं मखं । सीका काये मफु । थ्व संसार अनित्य खः । वथ्ये प्राणी पिगू शरीरनं अनित्य खः । छुं थ्ये वासा-

दीप भाण्डे यथ। तैलं देहेऽपि प्राण संस्थितम् ।

तैलायुस्तुल्य देहस्य दीप निर्मल्यते महत् ॥

अर्थ :- गथे त्वादिवा मते चिकं दतले तीव्ररूपं च्याना च्वनी । वथ्ये भीगू शरीरेनं इता दु । चिकं दु । भीगू शरीरे च्वंगू आयूरूपो चिकं व इतारूपी शरीर जुया मनूष्य जीवात्मा जुया च्वंगू खः । किन्तु परिणाम काले मतयागू त्वादिवाय चिकं फुना मतसिना वनीथ्ये भीगू शरीरे च्वंगू चिकं रूपी आयु फुना शरीर सिना वनी । उकेया निमित्त मत घैगू थ्व शरीर तुल्य खः । प्राणरूपी आयू चिकं तुल्य खः । अजागू चिकं समान जुया च्वंगू आयू यात प्राण घाई । प्राण यात आत्मा घाईनू मखू । प्राण वायू तथा चित्त चैतसिक घका घाई । थजागू देह धारी पिन्त

अन्तिम परिणाम काले आखिरे कालरूपी फय् वया मतस्याये थ्ये शरीर यात निर्जीव याना प्राण नाडीस्यंका छ्वयि । व चित्त चैतसिक यात कालरूपी फसंप्वीक यंकी चिकं मदुगू त्वादिवार्थ्ये प्राण रहित निर्जीवशरीर याना वी । हे कुलपुत्रपि ! हानं छगू खँ न्यं ।

रोगो हि बलवान् वैरी सर्वेन्द्रिय विघातयः ।

रोग सर्वार्थं सन्तापः परिदाह करोति वत् ॥

प्रिय भार्यात्मजजातिः बन्धुमित्र वियोग कृत् ।

मरणं ग्रस्यते सर्वं गरुडः पद्मगं यथा ॥

अर्थ :- सम्पूर्ण प्राणी पित्त बलवान् रोगरूपी शत्रूँ सकल पिंगू फुक इन्द्रिय यात असह्य ज्वीक सन्ताप ज्वीगु अग्नि समानं दाह ज्वीक शरीर ग्लानी याना स्यंका आघात याना तल । उके रोग धैह्य छह्य बालवान् काल खः । व कालं थः दाजु किजा मां वौ कला काय् म्हाय् यःह्य पाशा इष्टमित्र परिवार पि धका वाकी तयि मखू । सकल यात वियोग याना थकी । सकले सिना वनी ।

गरुडः पद्मगं यथा ।

गथेजा गरुडं नाग ज्वना यंकीथें छम्ह छम्ह प्राणोत ज्वना यंका च्वन ।

सकल प्राणीयात कालं ग्रास ज्वीक मोहं तोपुया तल । उकेया कारणे सकल प्राणीयात संसार यागु दुःखरूपी भ्रमरे घःचार्यें चाहिका मोहयागु थलं तोपुया मायां क्यंका तल । थथे मायां क्यंका तःगुलि सकल प्राणीपिन्सं छुंहे भापी मफुत । सकल प्राणोपित्त मोहं तोपुया तःगुलि भ्रान्ति पथे लाना इन्द्रिय बल मन्त । ज्ञानेन्द्रिय बल मदुगुलि अहंकार

अज्ञाने लात । अज्ञानयागु अहंकारे लागुलि तमोगुणयागु अन्धकारे च्वने माल । अज्ञान तमोगुणयागु अन्धकारे लागुलि कुशल कार्ये भिगु ज्याय् पला तये मफुत ।

परन्तु अज्ञान मार्गं लिचिला जुयेगु उपाय ख्व खः । ज्ञानांकूश समोबुद्धिः तस्य निश्चलते मनः । अर्थात् मोह जुया भोग याकिह्य दुश्चित्तयात बुद्धयागु ज्ञान रूपी अंकूश समानगु बुद्धि तक्कंका हया महायान बौद्ध धर्म चित्तयात स्वका सुशील चर्य बोधिसत्त्वचर्य भद्रचरी बोनेगु चर्य आचरण याना बुद्धयान चर्य पलातयेगु खः । दुष्कर्म चर्य मयाय्गु । कल्याण मित्र सेवा यायेगु । बुद्धयागु ज्ञान धारणा यायेगु । बुद्धयागु ज्ञान प्रज्ञा शील समाधि खः । अकुशल मूल घेगु हिंसादि कर्म मयायेगु, मद्यपान धुम्रपान मयायेगु, हिंसाकर्म मिथ्यावाद मयायेगु । बुद्धयागु ज्ञाने जक न्ह्यचिला जुयेगु आदि बुद्ध यान चर्यज्ञान द्वारा थःगु दुश्चित्तयात चिना तये फयेकेमा । अले अज्ञान दक्को लिचिला वनी । नुगले ज्ञानयागु मिखा अर्थात् ज्ञान चक्षु उत्पत्ति जुया अनित्य खंके फई । अनित्य खनेव ज्ञानरूपी शस्त्रं अनित्ययात छेदन याना बोधिज्ञान लाभ याये फइ । घका भगवान बुद्धं धर्मचक्र प्रवर्तन चने याना बिज्यात ।

भगवान बुद्धं थजागु प्रकारं धर्मचक्र प्रवर्तन चलेयाना सकलयात ज्ञान यागु न्हाय्कं कयना अनेक दुःख चिन्ता विरागयाके रहित ज्वीगु ज्ञान बोधिज्ञान कना विज्यागु बुद्धोपदेश थौतकं धर्म प्रेम अहिंसा यागु धर्म पाद नव सूत्र व्याकरण महायान ग्रन्थ सुरक्षित जुया च्वंगु दु । नव सूत्र व्याकरण महायान ग्रन्थ घेगु बुद्ध ज्ञान यागु तःघंगु बोधिज्ञान भण्डार बौद्ध ग्रन्थ खः ।

भगवान बुद्धयागु ज्ञान परिपक्व ज्वीगु समाधि राज सूत्रे च्वंगु सर्वधर्म स्वभाव समता विपञ्चितो नाम समाधियागु ज्ञान धारणा याये फत घासा बोधिज्ञान रूपी दुंगाय् च्वना याकनं भव सागर पार वने फइ ।

अष्ट साहस्रिका प्रज्ञापारमिता सूत्रयागु ज्ञान धारणा याये फत
घासा उपाय कौशल्य द्वारा बोधिज्ञान लाभ याये फइ ।

दान शील क्षान्ति वीर्य ध्यान प्रज्ञा धुलि षट्पारमिता पूर्ण
यायेत प्रज्ञापारमिता सूत्र म्हसिकेमा । प्रज्ञापारमिता सेवा यायेमा ।
प्रज्ञापारमिता उपाय कौशल्य ज्ञान पूर्ण मज्जीकं बोधिज्ञान लाभ याये
फईमखु । धैगु प्रज्ञापारमिता सूत्रे धयातगु दु ।

उकेया निम्ति भगवान बुद्ध धैह्य मोक्षयागु लँ क्यनीम्ह धर्मया
चक्रवर्ति तथागत खः । भगवान बुद्ध कना बिज्यागु उपाय कौशल्य ज्ञान
मोक्ष मार्ग खः । व मोक्ष स्वरूप उकेया प्राप्ति या साधन विषये थ्व दुःखमय
संसार चक्रं मुक्त ज्वीगु उपाय यात उपाय कौशल्य धाई । व उपाय
कौशल्य द्वारा प्राप्त जूगु ज्ञानयात मोक्ष अर्थात् निर्वाण धाई । सम्पूर्ण
बोधिज्ञान लाभ यात निर्वाण लाभ धाई ।

अज्ञान दुःखयागु मूल हा खः । बुद्धयागु महायान ज्ञान मोक्षयागु
साधन खः । अज्ञानं अहंकार उत्पन्न ज्वी । अहंकारं कर्तृत्व भावना
अभिमान वढे ज्वी । कर्तृत्व भावनाया कारणं हे जीवकमं फलयागु दुःख
भोग धाई । व जन्म जन्मान्तरे दुःख भोग याना च्वनी । उकेया कारणे
अज्ञानहे संसारया बन्धन खः । तथा दुःखया जड खः ।

तत्त्वज्ञान धैगु थ्व दुःखमय संसार बन्धन छुटे जुया मोक्ष वनेगु
उपाय खः । ऋते ज्ञानाप्तमुक्तिः । बुद्धयागु पूर्णज्ञान मदय्कं दुःखं मुक्त
ज्वी मखु । बुद्धयागु ज्ञान द्वारा अहंकार व कर्तृत्व भावना नाश जुया
वनी । उकेया फल स्वरूप संसार बन्धन मुक्त ज्वी ।

अतः भीषिं सकलसिनं यजागु बुद्धगुण यागु बुद्धगुणानुशंसा
सीकेमा । श्व भगवान बुद्ध यागु दिव्य वाणी बुद्ध गृण वर्णन उपदेश
बोधिज्ञान खः ।

इति बुद्धगुणानुशंसा धर्म चक्र प्रवर्तनम् ।

चोम्ह : सद्धर्मराज बज्राचार्य

महायान शिक्षा विनय बुद्धोपदेश

किञ्चानिच्छद्यं बन्धूनां अप्रमेयोपकारिणां ।

सत्वारोधनमुज्जृत्य निस्कृतिः कोपराभवेत् ॥

थ्व संसारे प्राणीपिन्त उद्धार यायेगु तोता सकल सत्व उद्धार
ज्वीगु ज्या मयाह्य गवले मोक्ष फल लाइ । थःके कोपजक बढे याना
सत्व प्राणीयाके च्वंगु धन सम्पत्ति जग्गा छें बुं दक्को थःत जक कायेगु
ईच्छा याना च्वंह्यस्यें पूजा कर्म धर्मयाना वयात पुण्य फल छु लाई ?
छु नं पुण्य लाई मखु ।

येषां सुखे यान्ति मुदं मुनीन्द्रां येषां व्यथायां प्रविशन्ति मन्यु,
तत्तोषणात्सर्वा मुनीन्द्र तुष्टि स्तत्रोपकारेषु कुतंमुनीनां ।

सुं गुह्यस्येनं सकल प्राणी सुखी जुयेके आशां श्री बुद्ध भगवान्
आदि देवतापिन्त पूजायागु यात, थजःपिके श्रीं बुद्ध भगवानं हर्ष याना
विज्याइ । गुह्यस्यें मेपिप्राणी पिन्त दुःख विया जुल, थजापिन्सं न्ह्यागुं हे
दान धर्म यासानं थ्व यात श्री बुद्ध भगवानं स्वेगु ईच्छा याना विज्याइ
मखु । थथे घका मुनीश्वरपिसं आशा दयेका विज्यात ।

किं वीर्यं कुशलोत्साह हस्त द्वियतउच्यते ।

आलस्यं कुत्सिता शक्ति विषादात्मा हि मन्यते ॥

भिगु उत्तम वीर्य उत्साह याइम्हेसित कल्याण मज्जीगु छु दु ?
चन्द्र सूर्ययागु तेजं सकल प्राणीत खनी । वीर्य द्वारा ह्ला निपांनं ज्या याई ।
ज्या सिद्ध याई । वीर्य मदुह्य आलस्य याके शक्ति दै मखु । वीर्य मदुह्यस्ये
मेमिन्त दुःखविया प्राणीपिन्त छुं नं उपकार मयास्ये थःगु आत्मा मुख याये
घका लोभ याना च्वनी । अजाह्यस्ये छुं ज्यानं सिद्ध याये फइ मखु ।

जपा तपांसि सर्वाणि दीर्घकाल कृतान्यपि ।
अल्प चित्तेन मन्येन वृथैव सिध्यते नहि ॥

ज्ञान मगाम्ह अर्थात् प्रज्ञा ज्ञान मदुम्ह ताकालं जप तप आदि
दान पुण्य यासानं छुं नं फल लाये फैमखु । व्यर्थ जुया वनी । अथ्यया
कारणे मन मोह अथवा चित्त स्थिर मजुम्हस्ये जप तप यायेवले चित्त
स्थिर याये फैमखु । थजाम्हेसित सिद्धिफल नं लाई मखु ।

व्याध्याकुलो नरो यद्वन्नक्षमः सर्वकर्मसु ।
तथाभ्यां व्याकुलंचित्तं नक्षमं बोधिसाधने ॥

गथे व्याधि रोगं कया व्याकुल जुया च्वम्ह मनुष्यं छुं ज्या यायेगु
सामर्थ दैमखु । अथे हे चित्त व्याकुल जुया चित्तयात रक्षा याये मफुम्हस्ये
बोधिज्ञान साधन यायेगु चर्य याये फैमखु ।

असंप्रजन्यचित्तस्य श्रुतचित्तं नभावितं ।
जलवच्छिद्रिते कुम्भे स्मृतौ नैवाभितिष्ठते ॥

अथ्ये असंप्रजन्य चित्त धयागु भिन्नकं श्री भगवान बुद्धयात
लुमंका स्मरण याना बोधिज्ञान चिन्तना मयाम्हस्ये यक्को हे ज्ञान न्यं सानं
लुमना च्वनी मखु । छुथे घासा प्वागंगु घले लखं तयेवले लखं गथ्ये ज्वया
वनी । अथे हे स्मृतिनं ज्वया वनी ।

आर्य दश धर्म सूत्रे घागु दु - प्राणीपिगु अरक्षित अशरण व
 निराश्रय खना करूणाचित्त तथा अनुत्तर सम्यक्सम्बोधि यागु चित्त उत्पन्न
 यायेमा । बुद्धं धया बिज्यागु दु - बोधिचित्त प्रतिपत्ति बिना संसारे
 महाफलं युक्त ज्वीला ? घका न्यना बिज्यात । गुगु खः पारमिता पूर्ण
 यायेत फुक्क शिक्षित ज्वी मखु । उके बोधिचित्त उत्पन्न यायेगु ज्या
 यायेमा । छायाघासा उपाय कौशल्य ग्रहण यासा जक महाफल प्राप्त ज्वी ।
 प्रतिपत्ति सार घंगु बोधि चित्त खः । वनं अत्यन्त हे तःघंगु फल खः ।
 शुभम् । मेगु द्वितीय भाग लिपा प्रकाशन ज्वी ।

सद्धर्मराज बज्राचार्ययागु अनुदित सफू

१. सद्धर्मपुण्डरीक वैपुल्य सूत्रम्
२. बुद्ध जननी मायादेवी व लुम्बिनी
(माया दे गीयागु अनीत कानया खं दु)
३. कर्मफलयागु बाखँ
४. षडक्षरि लोकेश्वर करुणामयं उद्धार यागु पूजित प्रतिष्ठा
(अनुवादक : स्व. पं. आशाकाजी बज्राचार्य)
५. बुद्ध स्तोत्र धारणी पाठ । दान सफूचा ।

थन वासनं दु :-

दुवि नाशक पाउडर ।
ग्वाली तज्वागुया मल्हम् ।
च्वासुकै यागु वास ।
पाचन शक्ति वर्धक ।
मेमेगुनं दु ।

ठेगाना

कविराज सद्धर्मराज बज्राचार्य

ल. पु. नकवहील अथवाहा